



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Joannes Hugo Dei Gratiâ Archiepiscopus Trevirensis. ...

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)



JOANNES HUGO

Dei Gratia

**ARCHIEPISCOPUS
TREVIRENSIS.**

Sacri Romani Imperii per Galliam & Regnum
Arelatense Archi-Cancellarius.

**PRINCEPS ELECTOR
EPISCOPUS SPIRENSIS,**

Administrator Prumiensis & Præpositus
Weissenburgensis &c.

*Honorabilibus, devotis, nobis dilectis, Eccle-
siarum Rectoribus, Vicariis, & Sacellanis
curatis in diœcesi nostra Trevirensi salutem
in Domino.*

Rastoralis curæ nostræ studia libenter im-
pendimus ad ea, per quæ Dei gloria, animarum Nobis
concreditarum salus, decor Ecclesiæ, & publicorum mi-
nisteriorum Ecclesiasticorum uniformitas promovetur.
Cùm itaque in Concilio Toletano sit constitutum, ut quando presby-
teri in parochiis ordinantur, librum Officiale seu Agendorum, qui
officiorum pastoralium ritum præscribit, ab Episcopo accipiant, ut ad
Eccle-

P R Æ F A T I O.

**Tolet. 4* Ecclesias sibi deputatas instructi accedant, *cap. 25.* & ejusmodi Agendorum
Dist. 38. pastoralium librum aliàs mem. piiss. Jacobus in Archi-Episcopatu Tre-
cap. 1. virensi prædecessor noster, anno 1574. typis quidem excudi, Ecclesia-
quando rum Rectoribus communicari, ac pro ministeriorum Ecclesiastico-
presbyte- rum uniformitate, quoscunque alios Agendorum libros abrogari cu-
ri. raverit; attamen exemplaribus illis ob temporis diurnitatem usu
 continuo attritis nec ultrà existentibus, ejusmodi librum renovari, e-
 jusdemque communicatione Rectoribus Ecclesiarum provideri, ne-
 cessitas exoptulet. Idcirco viris prudentiâ, doctrinâ Theologicâ præ-
 stantibus, animarum etiam curâ exercitatis, adhibitis diversarum alia-
 rum Diocesium, libris Agendorum, cum primis autem Rituali Ro-
 mano, diligenter perlustratis, hunc Agendorum pastoralium librum,
 habitâ etiam ad novissimas Apostolicas, hujusque Trevirensis Dice-
 cesis Archi-Episcopales constitutiones reflexione, pluribus perquam
 utilibus ac necessariis insertis fieri decrevimus, signanter præter illa,
 quæ aliàs in duabus partibus & compacturis continebantur, pro con-
 firmandis instructionem, bullam coenæ Domini ex decreto summi
 Pontificis Confessariis necessariam, casuum nostræ ordinariæ jurisdic-
 tionis reservatorum, nunc in minorem numerum juxta monitum
 Sac. Congregat. Cardinalium reductionem, formulas pro actibus fi-
 dei, spei, & charitatis eliciendis germanico & gallico idiomate in sub-
 sidium infirmorum, exhortationem ad matrimonialiter conjungen-
 dos, ordinem sepeliendi parvulos, instructionem de qualitatibus ordi-
 nandorum, ex novissimo nostro edicto, formulas plurium benedictio-
 num à parochis præstandarum, methodum variarum processionum
 publicarum cum psalmis & precibus cuique convenientibus, ac pre-
 cum publicarum pro necessitatibus occurrentibus instituendarum, re-
 sponsoria in illis processionibus canenda, sicut & in sepulturis ac Offi-
 cio Defunctorum cum notis cantûs choralis, modum intonandi psal-
 mos, instructionem de prædicando Dei verbo, utpotè vel maximè ne-
 cessariam, similiter de jejniis, de festis, de vita, conversatione & fami-
 lia Pastorum instituenda, de officio Decani Ruralis, & nonnullorum
 aliorum Ecclesiæ ministrorum, etiam ad jam dicta noviter inserta, hinc
 inde junctis Sac. Congregat. Cardinalium S. R. Ecclesiæ declarationi-
 bus, aliaque plura addi curavimus, ut Pastori in executione functio-
 num suarum, directione sui, ac gregis commissi, nunc plenè provisum
 esse arbitremur; quæ omnia etiam tali ordine disponi fecimus, ut
 quam-

P R Æ F A T I O.

quamvis character non sit minor, numerus tamen foliorum non sit major, ac unico comprehensus libro, errorem ante nonnunquam in assumendo anteriorem libri partem, quando posterior ad ministerium erat necessaria, commissum præcavendo. Quod si nihilominus nonnemi, cujus parochiani in diversis pagis aut villis sunt dispersi, pro ministeriis circa infirmos, asportatio libri hujus difficilior videretur, ille passum concernentem ejusmodi ministerium, sicut & Ludimagistri & Chorales, qui in sepulturis aut aliis functionibus canendo subsidium parochis præstant, responsoria cum notis cantûs choralis exinde sibi in foliis minoris libelli poterunt curare describi. Sicut autem per hunc, multo studio industriâ & labore plenum, Agendorum pastoralium librum, Nos majorem ministeriorum sacrorum decorem, concipiendamque exinde populi devotionem, nec non officii divini & administrationis Sacramentorum, processionum, precum, ac quarumcunque functionum Ecclesiasticarum publicarum uniformitatem, quæ etiam homines à vera religione averfos ædificat, & non secus ac ordinata officia & gravitas ministrorum Aulæ Salomonis, reginam Sabæ in admirationem & venerationem inducit, intendimus; 3. Reg. 10 ita volumus ac vobis seriò præcipimus, ut eò pariter sedulò collimetis, fideles mysteriorum Dei ministros vos exhibeatis, memores 1. Cor. 4. semper universalis Ecclesiæ per Sac. Trident. Concil. promulgati documenti: si quis dixerit receptos & approbatos Ecclesiæ Catholicæ ritus, in solenni Sacramentorum administratione adhiberi consuetos, aut contemni, aut sine peccato à ministris pro libitu omitti, aut in novos alios per quarumcunque Ecclesiarum Pastorem mutari posse, anathema sit. Et si Ægyptii in horologii similitudine Sacerdotis actiones, & per hoc sapienter expresserunt, quòd Sacerdos omnia sua ordinatè agendo alios ad ordinem deducat & dirigat, profectò id in vestris Sacramentorum administrationibus ac aliis functionibus publicis, verissimum esse nemo sapiens negabit; vos enim in omnibus illis vobis commissis functionibus, vitâ & conversatione vestra instar horologii, directores, duces & magistros esse oportet, ut de vestra in rebus agendis gravitate, modestiâ ac devotione populus lumen sanctitatis hauriat, quod supremus ille magister noster sacroris sui eloquio: Vos estis lux mundi, dilucidè expressit. Matth. 5.
v. 14.

Implete igitur, dilecti! intentionem, finem ac gaudium nostrum, administrate juxta hunc librum functiones vestras, ut decet Dei ministros,

PRÆFATIO.

nistros, ad gloriam ejus, qui erit nostra remuneratio magna nimis, ad animarum pretioso sanguine Christi redemptarum salutem, Ecclesie Catholice decorem, & diocesis nostre uniformitatem. Si vero huic nostro monito ac decreto quispiam contravenire presumeret, eum Decanus Ruralis, aut Synodales Ordinariatui nostro denuntiabunt, ut contumacie sue, ac difformitatis ministerii poenam promeritam recipiat. Dabantur in arce Nostra Ehrenbreitsteiniana die. 26. Martii Anno Domini M.DC. LXXXVIII.

Joannes Hugo Archiep. Trevirens.



INDEX